

Frumvarp

85
27. nóv.

til

reglugjörðar um skemtánaskatt á Sauðárkróki.

1. gr.

Af öllum skemtunum fyrir almenning, sem haldnar eru innan takmarka Sauðárkrókskaupþúns og seldur er aðgangur að, skal gjalda skatt samkvæmt ákvæðum reglugjörðar þessarar. Skatturinn rennur í hreppssjóð og skal honum varið til framfærslu ósjálfbjarga fátæklinga Sauðárkrókshrepps.

2. gr.

Skatturinn skal vera hundraðsgjald af aðgöngumiðum eða öðrum aðgöngu-skírteinum, sem seld eru að skemtunum, eins og hjer greinir:

1. Af sjónleikum, samsöngvum, hljótleikum, upplestri og fyrirlestrum, ípróttasýningum (líkamsípróttum) og útileikum 10%.

Leikar þeir og sýningar, sem ræðir um í lögum nr. 30, 19. júní 1922, teljast eigi til skemtana, þótt aðganga sje seld.

2. Af öllum öðrum skemtunum 20%.

Ef skemtun er margþætt, skal skatturinn jafnan miðaður við þann þátt hennar, er hærra er skattaður.

3. gr.

Nú er skemtun haldin og aðganga veitt gegn gjaldi en þó án þess, að gefin sjeu út aðgönguskírteini, eða þau eru aðeins gefin út en gjaldið fyrir þátttöku í skemtuninni er eigi goldið samkvæmt þeim, eða goldið samkvæmt þeim aðeins að nokkru leyti, og skal hið ákveðna skattgjald þá goldið sem hundraðsgjald af allri þeirri upphæð, sem goldin er fyrir þátttöku í skemtuninni.

4. gr.

Undantekningar frá skattgjaldi og lækkun á hinu ákveðna skattgjaldi getur hreppsnefndin veitt, er sjerstakar ástæður mæla með því, t. d. fyrir skemt-anir, sem haldnar eru í góðgerðaskyni eða fræðslu, til að halda uppi list-um o. s. frv.

5. gr.

Forstöðumaður skemtunarinnar ber ábyrgð á greiðslu skattgjaldsins. Ef fleiri en einn maður stendur fyrir skemtun, þá ábyrgist einn fyrir alla og allir fyrir einn greiðslu skattgjaldsins, eða ef um fjelög er að ræða, þá allir stjórn-endur þess á sama hátt.

- 85** Nú hefir forstöðumaður skemtunar vanrækt að tilkynna oddvita hrepps-
 27. nóv. nefndar um forstöðu sína, og ber þá húsráðandi þess húss, er til skemtunarinnar
 var notað, ábyrgð á skattgreiðslunni.

6. gr.

Skatturinn greiðist til oddvita hreppsnefndarinnar, sem hefir innheimtu hans á hendi.

7. gr.

Forstöðumenn skemtana, er heyra undir ákvæði reglugerðar þessarar, skal jafnan skylt að snúa sjer til oddvita hreppsnefndarinnar áður en skemtun er haldin og tjá honum frá forstöðu sinni, hvað haft skuli til skemtunar, upphæð aðgöngueyris o. s. frv.

8. gr.

Skatturinn skal innheimtur samkvæmt skýrslu, sem greiðanda er skylt að gefa oddvita hreppsnefndar eftir reglum þeim, sem hjer segir:

1. Kvikmyndahús og aðrar fastar skemtistofnanir, sem hafa skemtunar að atvinnu lengur en um stundarsakir, skulu fyrir lok hvers mánudags gefa oddvita hreppsnefndar skýrslu yfir alla aðgöngumiða, er selst hafa næstu viku á undan og skal í skýrslu þessari flokka aðgönguskírteini eftir verði þeirra og deginum þegar skemtunin var haldin, svo og tilgreina upphæð skattsins við hvern flokk og samanlagt verð aðgönguskírteinanna og skattgjaldið.

2. Þeir, sem aðeins halda skemtun í eitt skifti, eða takmarkaða tölu skemtana, skulu hafa gefið oddvita hreppsnefndar framangreinda skýrslu um tölu seldra aðgönguskírteina eða aðgöngueyrinn í heild sinni, ef goldið hefir verið fyrir þátttöku í skemtuninni samkvæmt 3. gr., í síðasta lagi áður 2 dagar eru liðnir frá því að skemtuninni lauk.

Skýrslur þær, sem ræðir um í grein þessari, skulu gerðar eftir fyrirmynd, sem hreppsnefnd samþykkir og greiðist skatturinn um leið og skýrsla er gefin, gegn kvittun oddvita hreppsnefndar.

Nú er skatturinn ekki greiddur samkvæmt ofangreindum reglum og má þá taka hann lögtaki á kostnað greiðanda.

9. gr.

Þeim, er atvinnu hafa af skemtunum lengur en um stundarsakir, skal skylt að hafa nákvæmt og aðgengilegt bókhald yfir tekjur og gjald það, sem tekið er fyrir skemtunirnar og sæta því, að oddviti hreppsnefndar hafi eftirlit með bókhaldinu, ef þurfa þykir.

10. gr.

Með mál út af brotum gegn reglugjörð þessari skal farið sem almenn lögreglumál.

11. gr.

85

Brot gegn reglugjörð þessari varða sektum alt að 1000 kr., ef ekki liggur við þyngri refsing að lögum. 27. nóv.

Reglugjörð þessi, sem hreppsnefnd Sauðárkrókshrepps hefir samið og samþykkt, er hjermeð staðfest samkvæmt lögum nr. 34, 22. nóv. 1918, sbr. lög nr. 30 frá 19. júní 1922, til þess að öðlast gildi 1. des. þ. á. og birtist til eftirbreytni þeim, er hlut eiga að máli.

Í dóms- og kirkjumálaráðuneytinu, 27. nóvbr. 1922.

Kl. Jónsson.

Sigf. M. Johnsen.

Reikningur

86

Framfarasjóðs Stykkishólms árið 1921.

Tekjur:

1. Eftirstöðvar frá 1920:

1. Í bankavaxtabrjefum veðdeildar Landsbankans	kr.	10600 00
2. Í Sparisjóði Stykkishólms	—	1789 13
	kr.	12389 13

2. Vextir:

1. Af bankavaxtabrjefum	kr.	477 00
2. Af sparisjóðsinnstæðu	—	80 22
	—	557 22

3. Til jafnaðar móti gjaldlið 2.	—	141 87
--	---	--------

Samtals kr. 13088 22